

同仁堂藥目

許葉芬

署檢




同仁堂藥目

本堂藏板

同仁堂名先君之素志也先君號尊育爲太醫院吏目秉性樸誠居躬簡約喜閱方書辨藥味地道疑似嘗語人曰古方無不效之理因修合未工品味不正故不能應症耳平日汲汲濟世兢兢小心凡所用丸散無不依方炮製取效有年每庭訓之餘謂可以養生可以濟人者惟醫藥爲最又云同仁二字可命堂名吾愛其公而雅須誌之予業舉子碌碌三十餘年先君之訓幾忘之矣壬午鄉比

後閒居無事追憶昔年遺訓翻然勃然鼓舞而爲
之遂立同仁堂藥室焉汲汲濟世兢兢小心雖不
能承繼先人萬一而至於遵肘後辨地產炮製雖
繁必不敢省人工品味雖貴必不敢減物力可以
質鬼神可以應病症庶無忝先君之志也謹將藥
名治證分門開列於右取用諸君子庶便觀覽焉

康熙丙戌年蒲月吉日樂鳳鳴梧岡氏自誌



本堂自康熙壬午歲開設京都正陽門外大柵欄路南多歷年所並無分店在外前有在都城私刻本堂字號及開設同人堂藥鋪者悉經本堂呈稟

都察院

御藥房出示嚴禁在案但此等罔利小人靡所不

至或冒稱自本堂竊出或藉口代買不無以假
混真之弊近又聞各省市鎮有冒充本堂字號
直掛京都同仁堂招牌售賣假藥希圖漁利且
勾通串賣謬稱本堂分店數十年來遠近受其
欺愚者不知凡幾誤人性命莫此為甚所願遠
近官商鑒及本堂向無分店凡賜顧者務須親

至本堂當面交易即託人代買亦必計妥實
友親身賄取毋為小人所惑庶魚目不至混珠
硃硃不至亂玉保生延年同登壽寓則非特本
堂之幸也謹白

堂之幸也

由之始也

本堂之主廣王聖主英平同登嘉賓限非林本

文勝良願項無盡心入河海魚目不至則糕

至本堂當面交長明請入外寶亦必請安實勝

本堂之有藥目也有由來矣先四世祖尊育
公為

太醫院官喜覽方書辨藥味地道疑似嘗曰古方
無不效之理所慮者修合未工品味不正耳爰
依古方按法炮製以之養生以之濟人多歷年
所五世伯祖梧岡公守其遺訓於康熙壬午

歲在京都正陽門外大柵欄路南設立本堂字
號肆應之餘博覽羣書自國初諸名醫循流溯
源上逮岐伯黃帝之屬凡古方之適用者無不
悉心考究炮製必依古法購料不惜重貲五易
寒暑而丸散膏丹釐然各備遂別類分門彙為
一書一時海內流播各省仕商之至京師者皆

枉顧本堂按目贈取以備除病延年之用其
對症服食莫不應驗如響迄今

御藥房供奉各珍品亦必由本堂揀選所謂門擅桐

君之術家傳葛氏之方者殆久為舉世所共信

矣嗣是世守先業遇有奇方立即修治及先

大夫印川公司職兵曹情殷濟世更於公餘之

暇廣求活人之方前此品彙愈加精揀所增藥
目殆不下數十百種如虎骨藥酒之強壯筋骨
能治風溼脚氣氣虛作喘諸般風痰安坤贊育
丸之調經養血種子延年兼治半產滑胎胎前
產後諸般弱症尚已而益仙救苦金丹之培養
血氣凡虛癆失血等症尤徵驗不爽八寶藥墨

之消腫敗毒凡狂血不止口舌生瘡飛絲入目
等症亦效應如神他如五味檳榔之健脾和胃
消瘴止瘧定喘丸之止嗽定喘助氣安神參茸
酒之能治五癆七傷痿痺虛弱如意長生酒之
能治氣血兩虧夜不成寐諸症凡此等類皆係
先大夫印川公虔誠創造屢奏奇功實古方所

未備用珍秘而不授人者也茲將藥目細加訂
正重付梓人以便惠顧
諸君子詳閱取用焉

本堂自康熙年間開張至今選米米糴西齊言慎以此名馬
遠賜顧雲集乃有無恥之徒偷刻本堂門票造做假藥勾串客
店會館謬稱其藥自本堂盜出自甘認賊減價騙人歷年以來
遠近受其欺哄者不知多少病人受此耽誤者更不知多少損
人利己大傷本堂修合濟世之心是以本堂萬不得已於咸豐
二年三月初六日呈送蒙 院憲大人將售賣假藥之于大等
枷責示衆并出示嚴禁假藥在案惟思此輩黨夥甚衆四方商
宦或未周知仍復受此愚弄故又加此招帖凡 賜顧者務請
親到本堂當面交易或托親友代買亦須枉駕到鋪庶不受此
輩誑騙病人幸甚本堂幸甚特白

告示

欽命巡視中城察院

袁端

爲出示嚴禁事據同仁堂喊告于大于二

因私刻伊鋪字號冒充賣藥等情一案並經本院飭坊起出同仁堂等字號圖記等物當堂呈驗查該犯等冒充字號售賣假藥誤人病症性命攸關且屢經犯案怙惡不悛實堪痛恨除將于大等枷號示衆滿日責懲外爲此出示嚴禁如再有知法故縱仍蹈前轍經該鋪訪知或別經發覺許該鋪扭稟送院本院定將該犯加重治罪決不寬宥勿違特示

右諭通知

咸豐二年三月十一日

告示

實貼同仁堂

本堂自開辦至今並無分銷如有開辦同人堂藥
鋪者與本堂字號音韻相同希圖售賣假藥當經稟請

御藥房行文都察院轉行五城察院衙門一體出示嚴禁不准該
鋪冒充字號並將私刻本堂門票售賣假藥之人一并嚴拏查
禁實因若輩以假混真誤人性命所關甚重今將都察院札行
五城出示曉諭刊刻於後並述此啟

賜顧商宦必須 枉駕親至正陽門外大柵欄同仁堂方不致
誤謹啟